

Доий 1824 йилда Хоразмда тугилган. У илк тахсилни Бухоро мадрасаларида олади. Сўнгра шоир Арабистон ва Шом мамлакатларига сафар килади. Сафардан кайтгач, Хиванинг Арабмухаммадхон мадрасасида мударрис бўлиб ишлайди.

Доийнинг ижоди унинг хаётга жиддий ва айрим холларда жамият тузумига бирмунча танкидий караганини кўрсатади.

Замондошлари томонидан колдирилган материалларга караганда, Доий жуда тўғри сўз бўлиб, хаксизликни кўрган вақтда, ҳеч тортинмасдан, танкид киладиган одати бўлган. Жумладан, Доий бирмунча вақт масжиди жомеъга хатиб килиб тайинланади. Шоир ўзининг ваъз хутбаларида меҳнаткаш халқ ахволига ачинишини, хон амалдорларидан норози эканини жасорат билан гапирган.

Доий тахминан 1905—1909 йилларда Хоразмда вафот этган.

Шоирнинг бизгача етиб келган девонида чуқур социал мазмунли ва мухаббат темасидаги лирик газаллари тўпланган. Унинг ижтимоий мазмундаги шеърлари ўзи яшаган замон характеристикаси ва шоирнинг унга муносабатини белгилайди. Мухаббат лирикаси эса шўх, ўйноқи ва хаётий эканлиги билан характерлидир.

Доий муҳим ижтимоий масалаларни юксак бадиий маҳорат билан куйлаган. Шунинг учун ҳам Доий адабиётимиз тарихидан маълум ўрин эгаллашга муносиб ижодкордир.

Доийнинг бизгача икки нусха девони етиб келган бўлиб, унда шоирнинг газал, мухаммас, мусамман, мустазод, рубоий ва мусамман жанрида ёзилган шеърлари тўплангандир.

Ундан ташқари Доий газаллари ва мухаммаслари баъзи баёзларда ҳам учрайди.

Шоирнинг ҳар икки девони ҳам Ўзбекистон Фанлар академияси, Беруний номли Шарқшунослик институти кўлғемалар фондида 906, 908 инв. номерлари билан сақланади. Куйида келтирилган шоир газаллари юкорида кайд этилган кўлғемалардан олинди.

ГАЗАЛЛАР

Эйки, дебдурсан вафо йўқдур бани одам аро,
Рост айтурсан бали йўк бу гуҳар бу ям аро.

Хар киши бўхтонда колса дафъин этдим кон ютуб,
Тухмат этди, бир вафолиг кимса йўк олам аро.

Гулшани базмингдин айру сайр этиб дарёу дашт,
Дашт аро чапгловда колдим, сувда баҳри гам аро.

Баррадек хар кимса беозордур, охир они
Кашкир этгай пора-пора бешаи зайгам аро.

Кил каноат факрнинг чотлок сафоли дурдига,
Бодаи гулгун эмас безахр жоми Жам аро.

Еттилар жох овжига акрони, бир Доий колиб,

Топмади ер даргахи шоханшахи Хоразм аро.

* * *

Мен ул дилдора учрашган замонда
Дедим: сендек гўзал йўқдур жахонда.

Деди: кўпдур гўзал оламда, лекин
Менингдек меҳрибон йўк ҳеч маконда

Дедим: бир бўса эткил меҳрибонлик,
Деди: зар, бўса сизга осмонда.

Билиб кетти менинг пулсизлигимни,
Кўюб базм ахлини ўтлуг фиғонда.

Ўшул раъно гўзалдур, пулталабдур,
Борур кўрсатсалар зар ҳар қаёнда.

Жаҳон раъноларидин тут канора,
Бўлур не истасанг амну амонда.

Эвур юз, Доий, яхши ямондин,
Таваккул кил ҳама яхши, ямонда.

* * *

Не нигун бахти била бўлди валодат шуаро
Ким бу кун топмади жуз васфи балохат шуаро.

Тамаи хом била неча газаллар айтиб,
Дарбадар юрмак эмастурму кабохат шуаро.

Деди бир шоири хушгуй манга лутф айлаб,
Шеър машк айла, топар эмди каромат шуаро.

Неча шоир деса ёлгон, кўринур рост киби,
Йўкса шоирлига кўрсатти надомат шуаро.

Шеър арбоби шуур оллида ондин мазмум,
Бўлдиким топди эл ичра амонат шуаро.

Бир пучак пулга олур кимса топилмас, нечаким
Арз этарлар гуҳари ноби фатонат шуаро.

Тош урар гарчи хунар ахли хунар бошларига,

Шеърдин кўрдилар анвои хакорат шуаро.

Бу ажгбким, бири тарк этмади шоирлигини,
Нечаки топдилар ул ишда фасохат шуаро.

Зинхор, эй укалар, шеър ила маъруф ўлманг,
Ким ўшул важх ила чекди гаромат шуаро.

Дўстлар, чун шуаро бормока ер, ботмока кўл
Топмадилар, сиз ўлунг согу саломат, шуаро.

Шуаро холидин ар килди шикоят Доий,
Килмадилар ани ул ишда маломат шуаро.

* * *

Етар жонимга бир ой хажрида чандин алам, ё раб,
Закоти ушрича бўлмас жахонда барча гам, ё раб.

Ажаб фўлод дил эрмишки холимни кўруб хар кун,
Жафоу жаврини килмас манга бир зарра кам, ё раб.

Ситамгарлар, ситамкашлар хама як сон чекар жаврин,
Ямону яхшини фарк айламай, айлар ситам, ё раб.

Умуман ишк арбобига жавр айлар, хусусан мен
Кари кулга зиёд айлар ситамни даМ-бадам, ё раб.

Бўлибман ул ситамгарнинг жафоу жаврига мўътод,
Зиёд эт, килма кам жаврин манга бир зарра хам, ё раб.

Агарчи ул пари хажрида кайгуда ўтар умрим,
Хама умрида хеч гам кўрмагай бегам санам, ё раб.

Агар Доийга ул дилдор бир согар карам килса,
Анга макшуф бўлгай эрди сирри жоми Жам, ё раб.

* * *

Дедим: нигоро, не бўлур келсанг, талаттуф кўрсотиб,
Деди: келурман йигламай турсанг, ўзингни тўхтотиб.

Дедимки: лаълинг шарбатин умрим ўтур бир тотмадим,
Деди: тўя ичгунг ани хунобаи хижрон котиб.

Дедимки: фарёдим санга таъсир килмас не учун?

Дедики: бўлмас хечгах хоро тошини юмшотиб.

Дедимки: ноз уйкусидин жоду кўзинг уйгонмади,
Дедики: жоду фитнасин не килгингиздур уйготиб?

Дедим: кўрарманму экан ойдек юзингни бехижоб,
Деди: кўрарсен килмасам пинхон, сочимни бутротиб.

Дедимки: Доий васлига етмакни айлар орзу,
Деди: олиб келсун хама амволу амлокин сотиб.

* * *

Садафдек хор бўлгай нечаким гавхар сочар шоир,
Камишдек кадр топмас хар неча шаккар тўкар шоир.

Мазаллат тангносидин кутулмоклик не имкандур,
Агар хар чанди тўтивор болу пар очар шоир.

Замона ахлига микдори зарра айламас таъсир,
Агарчи андалибосо тараннум кўрсатур шоир.

Букун ул гунги нодон кант еб, шурби мудом айлар,
Вале захроб ичиб хар дам багир конин ютар шоир.

Топар хар ким тараккий кун-бакун дилдор кўйида,
Магар соат-басоат тийра балчикга ботар шоир.

Ажаб хасратга Доий кайдадур демас дилороми,
Агар минг катла йиглаб холи зорин арз этар шоир.

* * *

Деди:— «Каёндур максадинг?» Гуфтамки:—«Гулзори шумо»,
Деди:—«Нядур матлаб санга?» Гуфтамки:—«Дийдори шумо».

Деди:—«Надур кони сабаб?» Гуфтам:—«Ражои базми ту»,
Дедики:—«Манзуринг недур?» Гуфтамки:—«Рухсори шумо».

Деди:—«Мусофирсан магар?» Гуфтам: «Каромат мекунед»,
Деди:—«Не ердур манзилинг?» Гуфтамки:—«Дарбори шумо».

Деди:—«Нечун тортарсен ох?» Гуфтам:—«Зи рўзи фуркатат».
Деди:—«Не янглиг кимсасен?» Гуфтам:—«Гирифтори шумо».

Деди:— «Недин мажрухсен?» Гуфтамки:— «Бисёрам заданд»,

Деди:—«Ким урди?» Гуфтамаш:—«Фарроши гаддори шумо».

Деди:—«Нега арз этмадинг?» Гуфтамки:—«Манъам карда буд»,
Дедики:—«Маниъ ким турур?» Гуфтам:—«Жилавдори шумо».

Дедики:—«Кел, Доий, бу ён!» Гуфтамки:—«Куллуқ мекунам».
Деди:—«Недин хушнудсен?» Гуфтам:—«Зи гуфтори шумо».

* * *

Гамимга боис ул ошуби даврон бўлди ўхшайдур,
Манга хажрида байтул-эхзон бўлди ўхшайдур.

Бўлур афзун дамо-дам шиддати заъфим фирок ичра,
Гумоним буки багрим барчаси кон бўлди ўхшайдур.

Сарафроз айлаб эрди васл этиб ваъда кўлин, вахким,
Мусоид бўлмаин бахтим пушаймон бўлди ўхшайдур.

Жафоу жавру ёри таънаи агёр тошидин
Бузук кўнглум биноти ерга яксон бўлди ўхшайдур.

Агар чандики помоли хаводис бўлмишам, лекин
Не гамким вақти лутфу зилли субхон бўлди ўхшайдур.

Хирад хар чанд манъи ишк этар, аммо нетайким ул
Мени бечорага такдири яздон бўлди ўхшайдур.

Не журъат бирла лофи ишк урар Доий билолмамким,
Магар савдо била хотир паришон бўлди ўхшайдур.

* * *

Зулми беандоза этган бизга ё гардунмудур,
Ё ўшул бебок золим кўзлари пурхунмудур.

Ё хнно ёкмиш ушул шўхи ситамгар илкига,
Ё кўли ишк ахлини кони била гулгунмудур.

Ё хама ошиклара зулм айламак ойин анга,
Ё мени бечорага жаври ани афзунмудур.

Катлиом этмакка ул котил кўзи мойил эрур,
Ё мухаббат ахлин ўлтурмак анга конунмудур.

Ишк ўтига ё менинг сийнам эрур оташкада,

Ё хама ишк ахли садри ул ўта конунмудур.

Ё ман ўлмишман ўшул хунхорни ошуфтаси,
Ё бори олам эли ул сохира мафтунмудур.

Ё хама изхори ишк этган кишини ўлтурур,
Ё ўлумга мустахик бу Доийи махзунмудур.

* * *

Шукрким, ўз илги бирла бизни дилдор ўлтурур,
Ўлмас ул мушокким они севар ёр ўлтурур.

Юз тириклик лаззатин топгай ушул бечораким,
Ханжари абрў била ул чашми хунхор ўлтурур.

Шарбати юхйил-изоми бирла тиргузгай они,
Сарв кадду махлико лаъли шакарбор ўлтурур.

Юз туман мехнат кўруб етса мурода бир кишн,
Рашк этиб дархол ани чархи ситамкор ўлтурур.

Мушкил эрмиш. ишкнинг китмони хам, изхори хам,
Бирида гам, бирисида ул дилозор ўлтурур.

Хайрият андешдин бермас замон ахли хабар,
Яхши фикр этган кишини билки ашрор ўлтурур.

Ёр кўйида бўлибдур ёрлар гаддорлар,
Хавф этар Доий они бир ёри гаддор ўлтурур.

* * *

Шираи жондин доги ширин эмиш гуфторингиз,
Тоза жон топгай ким ўпса лаъли шакар борингиз.

Сарв ножуга назар гар солмасам, эрмас ажаб,
Ким бизинг манзуримиздур кадди хуш рафторингиз,

Чикмагаймиз биз бахор айёми гул сайригаким,
Сийнамизда гул очибдур шуълаи рухсорингиз.

Ахли дониш деб килмас беибо харне десак-
Ким, бўлубдурмиз бу кун масти майи дийдорингиз.

Бог аро наргис эмас кўнглум эрурким лой аро,

Сехр этиб банд этмиш икки жодуйи хунхорингиз.

Лутфингиздин йўк бизинг уммидимизки, даъбингиз
Кахр килмокдур ким ўлса ишкингизда зорингиз.

Доимо хунобаи хижрон ютармиз биз, вале
Бўлдилар масти шароби васлингиз агёрингиз.

Умримиз зиндони фуркат ичра ўтти, охким,
Шу ракибларга махалли айш эрур гулзорингиз.

Ишкингизда сарф этиб, Доий йигитлик кувватин,
Дедингиз, каридингиз, эмди бу ердин борингиз.

* * *

Не адоват эрди бу, эй чархи даввор, айладинг,
Кийналар бечораларга хар дам изхор айладинг,

Софдил мўмин анисимдин жудо айлаб мени,
Беҳаё хотир мукаддарларга дучор айладинг.

Багри бирёнлар била эрдим мусохиб неча йил,
Кўнгли тўк, багри бутунларга мени ёр айладинг.

Бир пари янглиг мужассам рух ёримдин жудо
Айладинг, хайвон сифат ёра гирифтор айладинг.

Айламас эрдим баланду пасти оламни тамиз,
Толиби жох айладинг, хуш хона бардор айладинг

Ишк ахлига эгармак эрди максудим давом,
Сен мутеъи бир париталъат сабуксор айладинг.

Чарх хам, Доий, сенингдек бандаи бечорадур,
Не учун ондин гила, эй огзи бекор, айладинг.

* * *

Кўзингдин ўргулай, кўз бирла кўрдинг холи зоримни,
Бошинг хакки, каро килма бу колгон рўзгоримни.

Етар хажрингда харда.м юз туман шиддат манга, лекин
Санга арз айламак даркор эмас ҳеч қору боримни.

Тажохул айлабон хардам, нечуксан бедилим, дерсан,

Билур эркан ўзинг яхши нихону ошкоримни.

Ики кошинг ишорат ханжари бирла ёрар кўксум,
Хадаф айлар кўзунг мужгон ўкига жисми зоримни.

Кочурди эътиборим муддате кахринг узок тортиб,
Качон, эй сангдил, килгунг фузунрок эътиборимни.

Неча йилдур ётибман остонинг ёстаниб, бир кун
Демадинг, келтурунг ул дардманди хоксоримни.

Тутубман унс кўйингда кўтур боскон итинг бирла,
Нигоро, солма мендин айру ёру гамгусорингни.

Нигорим илгида ўлсам, шахид ўлгум, мусулмонлар,
Бўлунг хушнуд, йиглатманг менинг хешу таборимни.

Тирикликда жамолин кўрмадим, не бўлди, мўминлар,
Жанозамга агар келтурсангиз ул гулўзоримни.

Мани Доий маломат килди кўп нолиш килурсан деб,
Они билмаским, олмишлар кўлимдин ихтиёримни.

* * *

Эй кўнгул, санга харгиз колмас эмди армонлар,
Келдилар сени истаб бу азиз мехмонлар.

Илтифоти бепоён бирла келдилар бу тун,
Гулбадан пари рухлар, гулўзор жононлар.

Гулгул очилиб кулбанг рашки гулшан этдилар,
Гунчалаб дурафшонлар, орази дарахшонлар.

Зулфи анбаринларни таркатиб, бўлиб раккос,
Базмгохинг этдилар турфа сунбулистонлар.

Нозани паривашлар ишвалар килиб хар дам,
Бўсалар сакоклардин айладилар эхсонлар.

Рашк ўтига куйсунлар кайта-кайта хосидлар,
Юз ўлуб-тирилсунлар ул гурухи нодонлар.

Шукр этиб, аё Доий, сарф базм этиб шод ўл,
Мархамат килиб бу тун келдилар газалхонлар.

НАВОИЙ ГАЗАЛИГА МУХАММАС

Тарки сухбат килдилар ул вақтким дилхохлар,
Хажр чохида чекармиз нолаи жонкохлар,
Холи кайфин фахм этар накл этсалар хамрохлар,
Улки солгай шуъла аъзосига ўтлуг охлар,
Кайда билгай куймакин зарбафт кийган шохлар.

Уйсиз уммоллар ишлар маъолин билмагай,
Нуру зулмат, ранжу мехпатнипг заволин билмагай,
Мастлар бечораларнинг ашки олин билмагай,
Багридин кон томгучи ушшок захмин билмагай,
Тийгидин кон томгучи берахм олий жохлар.

Эйки, кирдинг ишк майдонига дўнгил тезким,
Хар кадамда еткирур бошинга рустохезким,
Ишк даштидур ажаб дарду бало ангезким,
Шиддатин Фарход килгай фахм, йўк Парвезким,
Дардни хокийлар онглар, йўк фалак даргохлар.

От боши эшшак аёки остида кум бўлгали,
Курра, харларнинг жули синжобу кокум бўлгали,
Эл аро иокас касу номард мардум бўлгали,
Жону кўнглум кирдилар гам даштига гум бўлгали,
Мен хам этдим азм чун азм этдилар хамрохлар.

Мужда, эй жону кўнгул, сизни ўшул хур ўлтурур,
Ишк ахлига килиб кахр, элни мажбур ўлтурур,
Бегунохларни ўшул хуснига магрур ўлтурур,
Бўлсалар огахки, бир гамгинни хижрон(?) ўлтурур,
Фикр этар холига хижрон дардидин огохлар.

Гулжабинлар кайда билгай ранги хункохим недур,
Сиххат ахли англамас дарди сахаргохим недур,
Не билур васл ахли хар дам оташин охим недур,
Вах, не билгай хажр занжирида дилхохим недур,
Халка урган базм айши даврида дилхохлар.

Хожат ахли холидин хожатраволар фикри йўк,
Ишк ранжури гамидин бевафолар фикри йўк.
Доие, ахли гинога бенаволар фикри йўк,
Эй Навоий, шохларга чун гадолар фикри йўк.
Айтгил хам тенгри даргохига шайъаллохлар.